


四明叢書

張宗祥



慈湖詩傳目錄

卷一

國風周南

卷二

國風召南

卷三

國風邶

卷四

國風鄘

卷五

國風衛

卷六

國風王

國風鄭

卷七

國風齊

國風魏

卷八

國風唐

卷九

國風秦

國風陳

國風檜

卷十

國風曹

國風幽

卷十一

小雅一

鹿鳴至鶴鳴

卷十二

小雅二

祈父至雨無正

卷十三

小雅三 小旻至四月

卷十四

小雅四 北山至裳裳者華

卷十五

小雅五 交交桑扈至何草不黃

卷十六

大雅一 文王至文王有聲

卷十七

大雅二 生民至召旻

卷十八

周頌

卷十九

魯頌

卷二十

商頌

附錄

樓鑰答楊敬仲論詩解

燕詩傳卷十一

宋慈溪楊簡敬仲撰

小雅一

呦呦鹿鳴食野之苹我有嘉賓鼓瑟吹笙吹笙鼓簧承
筐是將人之好我示我周行呦呦鹿鳴食野之蒿我有
嘉賓德音孔昭視民不怵君子是則是倣我有旨酒嘉
賓式燕以敖呦呦鹿鳴食野之芩我有嘉賓鼓瑟鼓琴
鼓瑟鼓琴和樂且湛我有旨酒以燕樂嘉賓之心

爾雅釋草云苹蘼蕭郭云蘼蒿也釋草云蒿飲郭云

今人呼爲青蒿香中炙啖者陸璣云琴瑟如斂股葉如竹蔓生澤中下地蟻處毛傳曰呦呦然鳴而相呼筐篚屬所以行幣帛也鹿有文而美相呼而食故以喻燕賓簫者笙中發聲之物吹笙以鼓其簫鄭箋云承猶奉也嘉賓燕樂其間有相好者示我以周家所行之道夫太王王季文王武王周公所行乃天下大公至正之道故後世君臣咸講學此道毛傳曰行道也桃偷也湛樂之久德音者中心之德發諸聲音甚昭明孔甚也願視其民不忒薄豈非有德之言乎於

燕樂從容之次而相告語也其言善故君子心服之
法則之倣學之毛傳以視爲示非式更也敖從容遊
行也更燕以敖致其重複慙慙也毛詩序曰鹿鳴燕
羣臣嘉賓也今儀禮所存鄉飲酒禮諸侯燕禮大射
禮皆歌鹿鳴案周禮以賓禮親邦國以賓射之禮親
故舊朋友又諸侯之使臣卿大夫稱客諸侯稱賓天
子儀同

四牡駢駢周道倭遲豈不懷歸王事靡盬我心傷悲四
牡駢駢嘽嘽騶馬豈不懷歸王事靡盬不遑啓處翩翩

者騅載飛載下集于苞栩王事靡盬不遑將父翩翩者
騅載飛載止集于苞杞王事靡盬不遑將母駕彼四駱
載驟駸駸豈不懷歸是用作歌將母來諗

毛詩序曰四牡勞使臣之來也毛傳曰盬不堅固也
說文曰鹽河東鹽池遇水則釋遇火則釋遇風亦釋
毛傳取此義乎朱曰以王事不可以不堅固不敢徇
私而廢公說文曰騅騅旁馬也然則四牡騅騅者橫
齊之狀乎周道者周通之道也委曲遲回我心傷悲
念其父母也是詩勞使臣之來故閔其勞序其情也毛

傳以周道爲岐周之道者豈本於文王以天保以上
治內采薇以下治外之舊說乎此語雖見於魚麗之
序序本於古義然古義非孔子之爲衛宏作毛詩序
蓋本於毛公毛公本於古毛自謂其學自子夏孔子
嘗戒子夏無爲小人儒則子夏設有義亦難盡信況
以義理言則內外之治一道也以歌詩言則豈有殷
天子在上而文王敢擅治禮樂乎毛傳雖謂周公作
樂以歌文王之道然攷本詩初無此情毛義穿鑿凡
周詩歌之於樂皆武王有天下以來所制毛傳云嘽

嗶喘息之貌馬勞則喘息白馬黑鬣曰駱遑暇啓跪
處居也行者跪則少安毛傳騅夫不也爾雅釋鳥云
騅其鳩鴉郭云今鵲鳩李巡曰今楚鳩也某氏引春
秋云祝鳩氏司徒祝鳩卽騅其夫不者邢疏云一宿
之鳥陸璣云今小鳩也幽州人謂之鷦鷯一宿之鳥
使者似之棚今阜斗木也詳釋見唐風鷦鷯羽叢生曰
苞釋木云杞枸櫞郭云今枸杞也邢疏引四牡集于
苞杞爲證一名地骨春生作藥茹微苦子秋熟正赤
作歌以燕勞使臣之來曰今可以將母矣將母以來

告我乎訟告也慰勞親愛之辭也將母則將父可知
矣

皇皇者華于彼原隰駢征夫每懷靡及我馬維駒六
轡如濡載馳載驅周爰咨諏我馬維騏六轡如絲載馳
載驅周爰咨謀我馬維駉六轡沃若載馳載驅周爰咨
度我馬維駒六轡既均載馳載驅周爰咨詢

按此篇永樂
大典缺卷

常棣之華鄂不韡韡凡今之人莫如兄弟死喪之威兄
弟孔懷原隰哀矣兄弟求矣脊令在原兄弟急難每有

良朋況也永歎兄弟闕于牆外禦其侮每有良朋烝也
無戎喪亂既平既安且寧雖有兄弟不如友生儼爾遵
豆飲酒之飫兄弟既具和樂且孺妻子好合如鼓瑟琴
兄弟既翕和樂且湛宜爾室家樂爾妻帑是究是圖直
其然乎

按此篇承樂大典缺卷據樓鑰集載其解兄弟既
具和樂且孺云孺有柔義既具猶曰皆在於是和
樂且柔孺言辭氣柔巽也其妻其子情好合同言
夫婦父子和順孝慈如琴瑟之和毛傳曰翕合也
帑子也湛和樂之至鑰論曰此解亦平然說詩意
境未深此詩極言兄弟之間如伐木極言朋友之
間前章引陳曰兄弟之急難相救助如此及其既
安寧乃謂兄弟不如友生乎此正詩之本意也此

二章言凡人以儻爾邊豆飲酒之飫爲樂者兄弟
既具如謂兄弟無故其樂又何止邊豆飲酒而已
其和樂又且如孺子之真情如孺慕之孺有不可
解於心者凡人妻子止以好合尙能如鼓瑟琴之
和樂兄弟翕合而無間其和樂不足以盡之
又且湛矣如湛酒湛色然如此方見詩意

伐木丁丁鳥鳴嚶嚶出自幽谷遷于喬木嚶其鳴矣求
其友聲相彼鳥矣猶求友聲矧伊人矣不求友生神之
聽之終和且平伐木許許釃酒有藇既有肥羜以速諸
父寧適不來微我弗顧於粲酒埽陳饋八簋既有肥牡
以速諸舅寧適不來微我有咎伐木于阪釃酒有衍籩
豆有踐兄弟無遠民之失德乾餱以愆有酒湑我無酒

酤我坎坎鼓我蹲蹲舞我迨我暇矣飲此湑矣

是詩燕羣臣之樂歌也而毛詩序曰燕朋友故舊蓋
失其情矣夫君以臣爲友乃其常言書曰臣鄰曰友
邦詩曰惠于朋友視爾友君子是詩所謂友者同姓
諸父異姓諸舅世羣臣也率土之濱莫非王臣豈羣
臣之外復有所謂朋友故舊哉伐木丁丁非一人之
聲友侶多故也鳥鳴嚶嚶非一鳥之聲呼其友侶也
出自幽谷遷于喬木能求友者可以自幽而明自卑
而升因鳥取喻也相猶觀也君能求賢以爲友必虛

中謙和此虛中謙和神必聽之終教和平之福非自
外至夫通天地神人而已矣是一者在人爲心心
無所不通爲孝爲順爲謙和爲眾善是心神人之所
同其機一動其應如響故聖賢和於朝民人和於野
諸侯和於外四裔和於遠及是心因物有遷意動情
流爲傲慢爲悖厲爲危亂矣大抵丁丁乃其木柔勢
順刃利則許許然許許亦非一人之聲也毛傳曰以
筐曰醜以藪曰棼孔疏云筐竹器也藪草也澆酒者
或用筐或用草於今猶然用草者用茅也僖四年左